

2. Ա. ՊԵՏՐՈՍՅԱՆ, ԱՆՂՐԿՈՎԿԱՍԻ ԲԱՆՎՈՐ ՊԱՍԱԿԱՐՂԵ Ե ԲՈՂԵԿԻՅԱՆ ԿԱԳՄԱԿԵՐԱՅՈՒՄՆԵՐԻ ԱՌԱՋԻՆ ԶԱՄԱՆԱՐԾԱՅԻՆ ԱՎԱԾԵՐԱԳՄԻ ՄԱՐԻՆԵՐԻՆ (1914—1917 թ. փետրվար), ԵՐԼԱՆԻ ՀԱՄԱԼՍԱՐԱՆԻ ՀՐԱՄԱՐԱԿԼՈՒՅՈՒՆ, ԵՐԼԱՆ, 1977, 322 էջ:

Գրախոսվող աշխատությունը նվիրված է համառուսաստանյան հերոսական պրոլետարիատի շոկատներին մեկի՝ Անդրկովկասի բանվոր դասակարգի և երկրամասի բոլշևիկյան կազմակերպությունների 1914—1917 թթ. պատմության համակողմանի և քննական լուսարանմանը: Հեղինակն իր աշխատության համար բնաբան է ընտրել Ֆ. էնգելսի այն հատնի միտքը, թե ժողովրդ դասակարգի դրությունը ժամանակակից բոլոր սոցիալական շարժումների իրական հիմքն ու ելակետն է, որովհետև այն ներկայացնում է մեր արդի սոցիալական աղետների ամենասուր և անողորմ արտահայտությունը¹:

Եվ բանվոր դասակարգի դրության ուսումնասիրությունը հեղինակի համար իրոք ելակետ է հանդիսացել լուսարանելու հեղափոխական շարժումներն ու բոլշևիկյան կուսակցության դերը որպես պրոլետարիատի մարտական պայքարի կազմակերպիչ: Ըստ այդմ էլ աշխատությունն արժարժում է երկու թեմա, հարցերի երկու մեծ խումբ: Գրքի առաջին ներկու գլուխները նվիրված են Անդրկովկասի տնտեսական կացության և բանվոր դասակարգի կազմի դինամիկայի, նրա դրության քննարկմանն ու վերլուծմանը: Աշխատության հաջորդ գլուխները լուսարանում են բոլշևիկյան կազմակերպությունների գործունեությունը առաջին համաշխարհային պատերազմի տարիներին: Սակայն հեղինակը նշված հարցերով չի սահմանափակվում: Համառուսաստանյան իրադարձությունների ֆոնի վրա նա տալիս է երկրամասի սոցիալ-քաղաքական պատկերը, վերլուծում ցարիզմի ծայրերկրային քաղաքականության, տիրապետող դասակարգերի փոխհարաբերության, նրանց ունեցած ազդեցության ու տեսակարար կշռի, պատերազմի տարիներին անդրկովկասյան ազգայնական կուսակցությունների դիրքորոշման, կովկասյան ռազմաճակատին զինամթերք մատակարարելու և այլ հարցեր, որոնք սերտորեն առնչվում են շոշափված խնդիրների հետ:

Ակնարկեցինք, որ աշխատության առաջին և երկրորդ գլուխներում հետադուսվում են երկրամասի տնտեսությունը և լայն առումով բանվոր դասակարգի դրությունը 1914—1917 թթ.: Առանց վարանման պետք է փաստարկել, որ սովետական պատմագիտության մեջ դա առաջին լուրջ փորձն է՝ ամբողջացնելու երկրամասի պատմության այդ երկու կարևոր, արսատական պարբերները: Գիտական առումով միանգամայն ճիշտ է նաև այն, որ այդ հարցերը քննարկելիս հեղինակը Անդրկովկասը չի մասնատել առանձին վարչական միավորների, այլ հարցերը լուսարանել է ամբողջ երկրամասի տնտեսական զարգացման ու վիճակի տեսանկյունից:

2. Պետրոսյանը բանվոր դասակարգի դրությունը և բոլշևիկների գործունեությունը լուսարանել է ոչ միայն գիտական շրջանառության մեջ առկա փաստաթղթերի, այլև արխիվային նորահայտ վավերագրերի հիման վրա: Վավերագրերը քննարկելիս նա ցուցաբերել է նոր մոտեցում և նոր խոսք ասել ուսումնասիրվող հարցերի շուրջը: Մենագրության գլխավոր արժանիքը հեղինակի հաջող փորձն է՝ ողջ Անդրկովկասի տնտեսական կյանքի հենքի վրա տալ երկրամասի բանվոր դասակարգի դրության և բոլշևիկյան կազմակերպությունների ամբողջական պատմությունը առաջին համաշխարհային պատերազմի տարիներին:

Գիտահետադուսական լուրջ աշխատանքի արդյունք է Անդրկովկասի տնտեսական նկարագրությունը նվիրված առաջին գլուխը, որտեղ ընդգրկված փաստական հարուստ նյութերին ուղեկցում են հեղինակի հիմնավոր ու պատճառարանված հետևությունները: Գրքում ցույց է տրված, որ XX դ. երկրորդ տասնամյակին ևս ինչպես ողջ Ռուսաստանը, այնպես էլ Անդրը-

1 Կ. Մարքս և Ֆ. էնգելս, Անգլիայի մասին, Երևան, 1953, էջ 3:

կողմակալը շարունակում էր մնալ հետամնաց ագրարային երկիր։ Արդյունաբերությունն Անդրկովկասում ավելի թույլ էր զարգացած, իսկ գյուղատնտեսությունը կաշկանդված էր կիսաֆեոդալական հարաբերությունների ռազմաթիվ մնացորդներով։ Հեղինակը ցույց է տվել, որ թեև արդյունաբերության զարգացման հասարակական հետադարձություններ ունենալով, սակայն ցարիզմն ամեն կերպ խոչընդոտում էր երկրամասի համակողմանի դարձացումը, ձգտելով ոռոտական արդյունաբերական կապիտալի համար այն պահել սոսկ հումքի լծան աղբյուր և վաճառահանման շուկա։ Դրան զուգընթաց, գրքում հիմնավորված է այն թեզը, թե Անդրկովկասի արտադրողական ուժերի զարգացումը ցարիզմն արգելակում էր նաև բաղադրական նկատառումներով։ Անդրկովկասը Ռուսական կայսրության այն ժայռամասերից էր, որտեղ ցարիզմն իրականացնում էր իր նվաճողական քաղաքականությունը դեպի Իրան, Թուրքիա և այլ երկրներ, իսկ այդ քաղաքականությունը կենսագործելու համար բազմաթիվ այլ ուղիների հետ նրան անհրաժեշտ էր այդ երկրները ևս պահել տնտեսական ու քաղաքական հետամնացության մեջ։ Մինչդեռ Անդրկովկասի արդյունաբերական զարգացումը ոչ միայն բարերար ազդեցություն կունենար հարևան երկրների տնտեսական առաջընթացի վրա, այլև կուժեղացներ երկրամասի աշխատավորների ազգային-ազատագրական շարժումը և մասնավորապես նրանց առաջավոր ջոկատի ու ղեկավարի՝ բանվոր դասակարգի հեղափոխական պայքարը, որը, անշուշտ, կարգելական ցարիզմի նվաճողական պլանների իրականացումը վերջ էր դնում մաքուր, հետևությունների, ինչպես նաև դրանց աղերսվող շատ ու շատ հարցերի հիմնավորումը կատարված է փաստական նյութի համադրական քննությամբ։

Տալով առաջին համաշխարհային պատերազմի տարիներին Ռուսաստանի և Անդրկովկասի տնտեսության նկարագիրը, հեղինակը նշում է, որ ցարիզմը չկարողանալով ռազմական պահանջներին համապատասխան վերակառուցել երկրի տնտեսությունը, մասնավորապես արդյունաբերությունը, փորձեր էր անում ստանալ բուրժուազիայի աջակցությունը, իսկ վերջինս էլ օգտվելով ասիթից, դրսևորում էր իշխանությանը մասնակցելու հավակնություններ։ Ինչպես դրրի բոլոր հատվածներում, այստեղ ևս իր ասածը հիմնավորելու համար հեղինակը դիմում է փաստների և իրադարձությունների վկայակոչմանը։

Իրքում ցույց է տրված, որ հանդիսանալով ոռոտական բուրժուազիայի ջոկատներից մեկը, անդրկովկասյան բուրժուազիան ևս տեղում ձեռնամուխ եղավ ռազմաարդյունաբերական կոմիտեների ստեղծմանը։

Աշխատության մեջ հանգամանալից լուսաբանված է Անդրկովկասի պրոլետարիատի իրավադուրկ կացությունը և տնտեսական անտանելի դրությունը (գլուխ երկրորդ)։ Այս պրոլետարիատը համարելով իր ուսումնասիրության առաջնահերթ խնդիրներից մեկը, Հ. Պետրոսյանը նրա հետազոտությունը վարել է փաստական հարուստ նյութի լայն օգտագործմամբ, այդ նյութի վերլուծական քննությամբ։ Պրոլետարիատի քննարկումը զբաղեցրել է պատկառելի մի բաժին (էջ 61—140)։ Նա նշում է, որ Ռուսաստանում, որտեղ կապիտալիստական շահագործումը զուգակցվում էր ճորտատիրական հարաբերությունների բազմաթիվ մնացորդների հետ, բանվոր դասակարգի դրությունն ավելի ծանր էր, քան կապիտալիստական որևէ այլ երկրում։ Պատերազմի տարիներին բանվորների դրությունն ավելի վատթարացավ 1915 թ. սեպտեմբերին օրենք ընդունվեց, որով վերացվեցին կանանց ու երեխաների աշխատանքի օգտագործման բոլոր սահմանափակումները։ Բանվորների աշխատանքային պայմաններն ավելի ծանրացան։ Նաև իր հատկապես նավթարդյունաբերության, պղնձի ու մանգանի հանույթի վրա աշխատող բանվորների պայմանները։

Քննարկվող աշխատության ուշագրավ կողմերից մեկը հեղինակի հաջող փորձն է՝ տալու բանվոր դասակարգի թվական աճի դինամիկան, բնակչության կազմում նրա ունեցած տեսակարար կշիռը, ազգային, տարիքային, սեռական և որակական կազմի պատկերը։ Ընդհանրապես Անդրկովկասի տարածքի, բնակչության, վարչական կառուցվածքի, ազգային կազմի, տնտեսության, արդյունաբերական ձեռնարկությունների բանվորների քանակի վերաբերյալ հեղինակը արխիվային, վիճակագրական, մամուլի և գրականության նյութերի համադրումով կազմել է մեկ տասնյակից ավելի շատ կարևոր աղյուսակներ (էջ 11, 47, 66, 67, 70, 77, 79, 80, 82, 85, 87, 120 և այլն), որոնք ճշգրտված և իրական պատկերացում են տալիս երկրամասի սոցիալ-տնտեսական կյանքի վերաբերյալ։ Հեղինակի կազմած այդ ուշագրավ աղյուսակների կարևորությունը չի սահմանափակվում միայն գրախոսվող աշխատության մեջ արծարծված հարցերի աղբյուրով։ Ինչև կարող չնչև, որ այդ աղյուսակների հարկավորությունը կզգան նաև ապագա այն հետազոտողները, որոնք ուսումնասիրելու են երկրամասի այդ չլրջանի պատմության և տնտեսության խնդիրները։

Անդրկովկասի բուլշևիկների գործունեության լուսաբանությունը տալիս չեղինակել միանգամայն ճիշտ է վարվել՝ հասարակական գործադրական շահախառնության պատերազմը սկսելու կապակցությամբ Մերկորդ ինտերնացիոնալի կուսակցությունների և նրանց առաջնորդների ճնշող մեծամասնության դավաճանական վարքագծին: Այդ շեղումը կարևոր է, որովհետև, ինչպես ցույց է տրված մենագրության մեջ, նույն քաղաքականությունը Ռուսաստանում որդեգրեցին մենշևիկներն ու էսէռները: Ավելի բացահայտ դավաճանական դիրք բռնեցին կովկասյան մենշևիկների պարագլուխներ Ն. Ժորդանիան, Կ. Զինիձեն և մյուսները:

Պետական դումայի մենշևիկյան ֆրակցիան մամուլի և տեղական կազմակերպությունների միջոցով անում էր ամեն ինչ, որպեսզի օգնի բուրժուազիային՝ մթադնելու պրոլետարիատի կապակցության գիտակցությունը, շեղելու նրան հեղափոխական պայքարից, և ռազմաադյունաբերական կոմիտեներին կից բանվորական խմբեր ստեղծելով՝ Ռուսաստանի բանվոր դասակարգին դարձնի իմպերիալիստական պատերազմի ակտիվ մասնակից:

Կովկասյան մենշևիկները, որոնք ընթանում էին ռուսական մենշևիզմի ամենաաջ թևովում, անսրող կերպով պայքար ծավալեցին բուլշևիկների անլիզալ գործունեության դեմ՝ խոչընդոտում էին ցարական ինքնակալության դեմ բուլշևիկյան կոչերի ու թուրքիկների տարածումը: Սրանք հարցեր են, որոնց քննարկումը կատարելով փաստական անառարկելի հիմքի վրա, հեղինակը մերկացրել է մենշևիկների «հեղափոխականությունը» և ցույց տվել նրանց դավաճանությունը բանվոր դասակարգի պայքարին:

Գրքում միաժամանակ ցույց է տրված, որ Վ. Ի. Լենինը Շվեյցարիայում, տարագրության մեջ, հսկայական աշխատանք էր տանում սոցիալ-շովինիզմը մերկացնելու ուղղությամբ և ուշի-ուշով հետևում էր Անդրկովկասում տեղի ունեցող իրադարձություններին, Բուրժուական վաժապուտիկական հայրենիքի պաշտպանության էսէռամենշևիկյան լոզունգի փոխարեն բուլշևիկների կուսակցությունն առաջադրեց պատերազմում ցարական կառավարության պարտության լոզունգը: «Հայրենիքի պաշտպանության» շովինիստական մթնոլորտում բուլշևիկների աշխատանքի պայմաններն անտանելի էին դառնում: Ցարական կառավարությունը, ինչպես նշված է գրախոսվող աշխատության մեջ, դեռևս պատերազմից առաջ դատաստան էր տեսել Անդրկովկասի բուլշևիկյան կազմակերպության մի շարք ղեկավարների հետ: Բանտարկվել և Սիբիր էին աքսորվել Ս. Օրջոնիկիձեն, Ս. Սպանդարյանը, Ե. Ստասովան, Ս. Կասյանը և ուրիշներ: Չնայած դրան, Անդրկովկասի բուլշևիկները Ս. Շահումյանի, Պ. Զափարիձեի, Մ. Ազիզբեկովի ղրխավորությամբ շարունակեցին իրենց հեղափոխական պայքարը նրանք Ս. Շահումյանի ղեկավարությամբ ձեռնամուխ եղան նաև երկրամասի այլ քաղաքների ու շրջանների կուսակցական կազմակերպությունների վերականգնման: Հեղինակի շարադրանքում նշանակալից տեղ է տրված այն իրողությունների և հնարավորությունների լուսաբանմանը, որոնք օգտագործում էին բուլշևիկները՝ երկրամասի կուսակցական կազմակերպությունների գործունեության և հեղափոխական աշխատանքի վերականգնման համար: Աշխատավորների շրջանում հեղափոխական աշխատանք ծավալելու համար Անդրկովկասի բուլշևիկները օգտագործեցին նաև քաղաքային դումաների րնտրական կամպանիան և այդ դումաների ամբիոնները: Նշելով այդ, հեղինակը ցույց է տվել, որ բուլշևիկները օգտագործեցին նաև պատերազմի տարիներին Ռուսաստանում լայն թափ ստացած կոոպերատիվ շարժումը: Անդրկովկասի բուլշևիկները մտան լուսաբանական կոոպերատիվների մեջ և դրանց ժողովներում, դասախոսություններում բացատրում էին երկրում հետզհետե խորացող ճգնաժամի պատճառները, մատնանշում պատերազմից դուրս գալու իսկական ելքը:

Հ. Պետրոսյանը պատշաճ ուշադրություն է դարձրել բուլշևիկների պայքարին՝ ուղղված լուսավորական շարժումն ալլասներելու բուրժուազիայի ու սոցիալ-շովինիստների բուրժուական փորձերի դեմ: Նա նշել է, որ այդ պայքարն առաջին հերթին արտահայտվեց ռազմաարդյունաբերական կոմիտեների ակտիվ ռոյկոտի լենինյան տակտիկայի կենսագործման մեջ: Ռազմաարդյունաբերական կոմիտեներին կից բանվորական խմբերի ստեղծումը բուրժուազիայի կողմից մի փորձ էր, բանվորներին ներգրավելով՝ հայրենիքի պաշտպանության գործի մեջ, իմպերիալիստական պատերազմը ներկայացնել որպես համաժողովրդական պատերազմ, խաղաղացնել, իրեն ենթարկել հետզհետե աճող բանվորական շարժումը և է՛լ ավելի ուժեղացնել բանվոր դասակարգի շահագործումը: Կովկասի բուլշևիկյան կազմակերպությունների 1915 թ. հոկտեմբերյան խորհրդակցությունը վճռականորեն դատապարտեց բանվորների մասնակցությունը ռազմաարդյունաբերական կոմիտեներին:

Գրքում մերկացված է այն նպատակը, որ հետապնդում էին մենչեիկներն ու էսէռները, մտնելով ռադամարդյունաբերական կոմիտեների մեջ. նրանք ձգտում էին ինչ գնով էլ լինի համաձայնության դալ բուրժուազիայի հետ և բանվոր դասակարգի պայքարն ուղղել բուրժուազիայի պահանջների պաշտպանության օգտին: Մենչեիկները գտնում էին, շեշտում է հեղինակը, որ ցարական իշխանությանը պետք է փոխարինել ոչ թե բանվոր դասակարգի և դյուռացիության դեմոկրատական դիկտատուրան, այլ՝ սոսկ բուրժուազիայի դիկտատուրան:

Զնայած սկսված պատերազմին և սոցիալ-շովինիստների դավաճանությանը, պրոլետարիատի դիտակից մասը շարունակեց պայքարն իր իրավունքների պաշտպանության համար: Պատերազմը սկսվելուց անմիջապես հետո Անդրկովկասի բանվոր դասակարգը, հետևելով կենտրոնական Ռուսաստանի քաղաքների բանվորների օրինակին, իր բողոքի ձայնը բարձրացրեց թայսեյական պատերազմի դեմ: Լայն մեկնաբանություններ տալով այս հարցերին, հեղինակը նշել է, որ 1915 թ. բանվորական շարժումը ոչ միայն ըթուլացավ, այլ ավելի ուժեղացավ: Ի. Ի. Լենինը 1915 թ. նոյեմբերին գրել է. «Այժմ մենք նորից գնում ենք դեպի հեղափոխություն: Այդ բոլորն են տեսնում»:

Բանվորական շարժման վերելքն Անդրկովկասում, որ ծավալվել էր 1915 թ. կեսերից, ավելի ուժեղացավ 1916 թ. և 1917 թ. առաջին ամիսներին ինչպես ամբողջ երկրում, այնպես էլ Անդրկովկասում շարունակվեցին բանվորական գործադուլները:

2. Պետրոսյանի աշխատությունն ավարտվում է այն ճիշտ եղրակացությամբ, որ Անդրկովկասի բաղձալի պրոլետարիատի դորժադուլային պայքարը ապացուցեց, որ երկրամասի բանվորների առաջավոր մասը գնում էր բոլշևիկների ետևից, իսկ մենչեիկները, էսէռները և այլ կրանգի ոտցիալ-շովինիստները բանվոր դասակարգի, աշխատավոր մասսաների սոցիալական ազատագրության թշնամիներ էին:

2. Պետրոսյանի արժեքավոր այս մեկնաբանությունը, սակայն, դեռ չէ որոշ թերություններ: Ինչու, Այսպես, օրինակ, Վրաստանի և Ադրբեջանի սոցիալ-տնտեսական աշխույժ կյանքի և բանվորական շարժումների մասին տրված ընդարձակ շարադրանքի Ֆոնի վրա շատ նվազ տպավորություն են թողնում Արևելյան Հայաստանի վերաբերող հատվածները: Դա, իհարկե, այդպես էլ և չէ, սակայն հեղինակը պետք է վերապահումներ աներ և ընդգծված բացատրեր դրա պատճառները, մասնավորապես այն պայմանները, որի մեջ գտնվել է Արևելյան Հայաստանը: Ինչու, և, տեղաք է հիշատակվել Հայաստանի, իրոք տնտեսական հետամնացությունը, համաշխարհային պատերազմի տարիներին կաղմակերպված հայերի ցեղասպանությունը և ընդհանրապես հայկական հարցի գոյությունը, որը շատ կենսական խնդիր էր ոչ միայն արևմտահայերի, այլև արևելահայերի համար: Աշխատության մեջ կան նաև կրկնություններ. օրինակ, կանանց և անչափաճաս երեխաների աշխատանքային օրվա սահմանափակման օրենքը վերացման մասին հիշատակվում են 92 և 249 էջերում:

Հիշված թերությունները, սակայն, բոլորովին չեն արժեքազրկում 2. Պետրոսյանի խիստ ուշադրավ աշխատության գիտական, մենք կասեինք նաև՝ գիտաքաղաքական նշանակությունը: Մենագրությունը շարադրված է զրադետ լեզվով, կուռ տրամաբանությամբ, մարքսիստական լենինյան մեթոդոլոգիական հիմքի վրա: Ինչպես նշեցինք, նրանում սովետական պատմագրության մեջ առաջին անգամ ուսումնասիրված է Անդրկովկասի բանվոր դասակարգի և նրա ավանդարդի՝ բոլշևիկյան կաղմակերպությունների՝ 1914—1917 թթ. պատմությունը: Գիրքն աչքի է ընկնում փաստառատությամբ, գիտական շրջանառության մեջ գրված նոր վավերապրերի ընդգրկումով և պարզեմի ամբողջական լուսաբանությամբ:

Ամփոփելով գրքի արժանիքների մասին մեր ասելիքը, չենք կարող ընդգծել գիտական մենագրության համար շատ կարևոր մի հանգամանք ևս. չնայած գրքում օգտագործված փաստական ձեռն նյութին, հեղինակը դրա էմպիրիկ շարադրողը չէ. նա ավելի շատ փաստական նյութի դիտական մեկնաբան է և այդ նյութը, գիտելիք հաղորդելու հետ միասին, այն հիմքն է, որի վրա հեղինակը կառուցել է եղրակացություններով ու հետևություններով հարուստ իր ասելիքը, իր քննարկումներն ու դրույթները: Այս ամենը իրավունք է տալիս 2. Պետրոսյանի մեկնաբանությունը դասելու վերջին տասնամյակի պատմագիտական լավագույն աշխատությունների շարքը:

ՎԱՐԴԳԵՍ ՄԻՔԱՅԵԼՅԱՆ

Պատմական գիտությունների դոկտոր

ԴԵՐԵՆԵԿ ՄՈՒՐԱԴՅԱՆ

Պատմական գիտությունների բեկեմաժու